

欽定四庫全書薈要

集部
別集類

吉林出版集團有限責任公司
海天出版社





目次

書名	卷次	頁次	作者
遵巖集	卷一—卷二五		明·王慎中撰
卷首		四二〇—一	
卷一 五言古詩		四二〇—五	
卷二 五言古詩		四二〇—九	
卷三 七言古詩		四二〇—二〇	
卷四 五言律詩		四二〇—四〇	
卷五 五言律詩		四二〇—五八	
卷六 五言排律		四二〇—六八	
卷七 七言律詩		四二〇—七六	

書名	卷次	頁次	作者
卷八 七言絕句 古樂府 詞 卷九 記 卷一〇 序 卷一一 序 卷一二 序 卷一三 誌銘 卷一四 誌銘 卷一五 誌銘 附碑 卷一六 墓表		四二〇—一一一 四二〇—一三七 四二〇—一九二 四二〇—二四五 四二〇—二九六 四二〇—三四七 四二〇—三七〇 四二〇—三九五 四二〇—四二六	

書名	卷次	頁次	作者
卷一七 傳 卷一八 行狀 卷二〇 祭文 卷二〇 祭文 卷二一 祭文 卷二一 雜著 卷二二 書 卷二三 書 卷二四 書 卷二五 書		四二〇—四四〇 四二〇—四五一 四二〇—四七四 四二〇—四八五 四二〇—五〇四 四二〇—五二〇 四二〇—五三六 四二〇—五五〇 四二〇—五七一	

欽定四庫全書薈要

集部
遵嚴集卷一至三

詳校官候補通政司經歷臣郭祚熾



欽定四庫全書薈要

遵嚴集目錄

卷一

五言古詩

卷二

五言古詩

卷三

七言古詩

欽定四庫全書

遵嚴集
目錄

卷四

五言律詩

卷五

五言律詩

卷六

五言排律

卷七

七言律詩

卷八

七言絕句 古樂府詞

卷九

記

卷十

序

卷十一

序

卷十二

序

卷十三

誌銘

卷十四

誌銘

卷十五

誌銘 附碑

欽定四庫全書

遵嚴集
目錄

二

卷十六

墓表

卷十七

傳

卷十八

行狀

卷十九

祭文

卷二十

祭文

卷二十一

雜著

卷二十二

書

卷二十三

書

欽定四庫全書

遵嚴集
目錄

三

卷二十四

書

卷二十五

書

臣等謹案遵巖集二十五卷明王慎中撰慎

中字道思晉江人嘉靖丙戌進士官至河南

參政正嘉之際北地信陽聲華藉甚教天下

無讀唐以後書然其詩尚能自成家而古文

欽定四庫全書

遵巖集

四

則鈎章棘句雖以秦漢為名實則偽體獨慎

中與武進唐順之同肆力於唐宋之文立言

篤實能存古法其詩則初為藻艷之格歸田

以後又雜入講學之語頽然自放亦與順之

相似朱彞尊詩話謂其五言文理精密嗣響

顏謝而論者輒言文勝於詩未為知音然集

中五古如遊西山普光寺睡起登金山遊大

明湖諸篇固皆遠穆簡遠七言如每夜猿聲

如舍裏四時山色在城中萬井遙分初日下

羣山微見遠煙中琴聲初歇月掛樹蓮唱微

聞風滿川亦頗有風調若綜其全集之詩與

文相較淺深高下自不能掩則文勝之論似

亦不盡誣矣慎中集舊有玩芳堂摘稿遵巖

家居集諸刻雜以少作是本乃隆慶辛未慎

中子同康壻莊國禎稍為芟益而重鋟者簡

端洪朝選序有云詩文四十卷此本止二十

欽定四庫全書

遵巖集

五

五卷目錄卷數亦多改補疑又出後人所合

併也乾隆四十二年十一月恭校上

總纂官臣紀昀臣陸錫熊臣孫士毅

總校官臣陸費墀

遵巖集原序

天之生才何其艱哉由千古之後邈千古之前而得一才焉則人以為景星慶雲之不可再覩矣由千里之內邈千里之外而得一才焉則人以為祥麟瑞鳳之不可再得矣夫所謂才者非特一郡一省之才也其才足以蓋天下蓋一世乃足謂之才也人之視不過莽蒼有能自齊魯而見吳門者此乃謂之絕明也人之力不過百斤有能舉百鈞之重者此乃謂之絕力也人之聽不過

欽定四庫全書

遵巖集

一

垣墻有能聞戰蟻之聲者此乃謂之絕聰也夫才豈異於是乎毫芒絲忽纖悉微眇而智慮之所必該磅礴混淪方倖瀕洞而精神之所必貫超乎無垠至乎無始而心思之所必造入於九淵潛於九地而識趣之所必詣信口而成珠璣錦繡凝眸而視十行盈尺窮之以事物之曠而無不應也亂之以清濁之淆而無不周也是豈一郡一省之才而能如此哉使世僅僅有一人焉景星慶雲祥麟瑞鳳豈足道哉以余所見若吾晉江王君遵

遵巖集 四

巖真其人也君以弱冠舉進士年方十八遭時聖明藝術之士紛驚於詞林才藻之彥馳騁於皇路者人人懷隋珠家挾和璧君顧視其間頗亦有意日閉戶讀書夜歲膏帳中如是者二三年出與詩人文士方駕並馳諸詩人文士望之絕塵莫敢與扳君才既高識尤絕倫不以自愜也已而弃去前所作直窺先秦西京下至宋六大家之文得其指歸由是變奇崛為平直化艱棘為悠永而君之才氣沛然有餘下筆一掃數千言滾滾不

欽定四庫全書

遵巖集

二

休而包涵蘊藉蔚有深致至其底於神妙不可測知發其意之所欲言而得其心之所未有雖君亦莫知其所自矣君雖習學詞藝而孜孜講學日與青衿之士談論繙繹而門戶廣濶見者無不容受延納余嘗館其家半年君無一畧之間無客也交際親賓親踈泛特去者方休來者接軌夜則讀古書課家事作東荅四方賓友略無懈怠頽墮之意書一目輒十餘行下一經手未嘗再觀書至千餘卷君蓋無所不觀而亦未嘗再觀余嘗翻

其架上書書無一卷完者讀竟即為人竊去君亦不復顧也文章極工造意微如針芥而推之至於華佗細如涪蹄而達之極於溟渤在他人不知如何造端立說而君顧高之無不覆博之無不包人以是高之形容人物如點晴畫神色相形聲奪其形似成吾天然雖學者極其模擬終莫能似也蓋君之才得於天授上之足以躡藉六朝之沈陸下之足以凌厲近代之徐李餘子碌碌固未足彷彿其藩籬者況敢望其堂奧乎此天下之士所以推君之才為蓋代之才為蓋於天下之才也夫豈私其所好哉君既沒而其壻進士莊君國禎子庠生同康輯君詩文為四十卷余因付之蘇守劉君濤刻之而序君之才如此明洪朝選序

欽定四庫全書薈要卷一萬七千五十八 集部

遵嚴集卷一

明 王慎中 撰

五言古詩

郊工 頌成也

上親定南北郊之祀乃於國陽建南郊皇

乎一代之盛觀王者之大制也作頌成二首

於辟翼承序祗德鑒昊蒼觀文釐元命造哲煥令章諍

臣東周禮納議光文昌經始揆皇覽測臬即靈壤巍基

摩地軸層構羅天網營陔三奇積疏陞四維張象形以
彤規效運故乘陽躡白虎守蚺蟠青龍翔宅獄既萃
率傾河亦湯湯縣圖激神嶽蓬壺峙中央啟度非近算
祖烈今有光道存義軒始典迪夷龍襄維新弘有謚作
固亘無疆康哉宜有詠聖謨始我皇

運開信景鑠符臻鋪洪敷重役不日成功資神理存周
幾儉千里茲土直離分無閭控東戶河溜浸南垠星辰
上任仡日月旁薄噴中天鬱嶽立遙望似雲屯滌室承

東序營與敞以溫跂革錯綺繡弘敷郁鴻紛晶晶列疎
櫺將將伉高門勾陳翼紫宮廣袤縱周垣清微集陽宅
神居軼埃氛瓌璋增殊觀招揭賁徽文恒淳輦靈構萬
祀永無淪烜烜作者聖率土奉大君

習儀 異典也

南郊工就冬至四日上親勤玉輅習郊禮于
壇上威儀卒度周折咸中小臣從觀其美作

異典

欽定四庫全書
卷一
芝壇歛浮景休氣郁招清晨旭流翠葆泰風颺華旌飛
龍麗重霄綈綏在天庭式禮紆皇步篤恭軫聖情几几
礪承烏亭亭雲耀絃秉離臨日鑒秉乾健天行升崇儼
帝對納陸惕凌兢周折並圖方興俛以屏營萬舞羅臯
帳廣樂敷咸莖度以哲罔忒文用道自弘卒事秩無僞
百辟具維刑疊疊不顯德千載揚徽稱

觀牲 令儀也

先郊半月奉常奏省牲上親至犧牲所觀牲

焉所以重祭祀率百司潔蠲也作令儀
眡滌周恭祀卜吉漢近釐於皇實秉塞中孚格無知三
時既不讐六獸濯以享靈場翼帝園御廩仡周圻充人
共繫芻司牧肅來思大博沃在滌羊豕盈郊坻革鹿既
麋麋置免亦綏綏降觀移玉輅赫赫交龍旂宰夫脫抵
福典祝奏牲犧牲具靡瘼蠡肱麾咸牲滋展省帝匪康
普存占在茲肆將貴備物和豫肇裡祠

致齋 明裡也

欽定四庫全書
卷一
郊祀前三日百官朝服聽誓戒於朝堂上乃
齋於文華之殿百司各齋於公所作明裡
孚先啟元祀縉豫肅郊裡澄魂愉靚宮貶御抑尚珍沆
澄羞瓊食蘭蓀靡文茵赫矣渙王絲咨爾天邑臣受戒
鬱雲會祇詔燦星陳少宰職糾度宗伯涖其勤秉德思
無射效衷慮自淳修服天閭側濯已咸池津禁闡穆玄
軌省署洽清芬齋心贊皇德率以見明神

演樂 恭命也

郊祀已定禮官奏推樂未協上乃召張鶚使

典樂且出內藏金鐘玉磬使考校其聲禮官

率奉常詣神樂觀演之小臣與焉作恭命

至樂由陽作出豫聲聲元盡美婉虞劄大雅廢復傳設

業崇繁會樹羽列肆懸執翽侯碩人子野備伶官諧鳳

鳴嶰管希聲韻朱絃始作若疾赴間奏似珠連升歌六

義繹吹律八風旋雷鼓徹靈響雲和發徽彈陳侑奕星

敷舞兆郁雲駢信詘五節會終始九變還微生屬休運

欽定四庫全書

禮記集說

四

肅詔濫朝冠審音德叙辨晞綴景勲宣愧乏延州曉謬

廁洞庭觀

園丘 肇祀也

長至上御法駕臨於齋宮至期舉大祀焉

聖容穆穆天神來格於與休哉作肇祀二首

天閭直夜啟大輅下嶢峴繁星燦芝蓋劍珮一何炤前

旌龍虎會後御鸞鳳交城人洞伐鼓砰鉤殷鏞鞀珠黃

煥紫幄玉英流長旃玄冥承靈蹕百祗欣來朝川后供

明水璧壘司庭燎園壇縣上當太乙光招搖百辟會有

繹節舄萃門臯穆穆天子德欽欽肇明郊禮成百代始

律動三辰昭雲亭陋前觀虞柴茲晨紹

練日候有望陰紀回微陽重輪暉紫極五雲昭靈光元

后臨瑤宇庶靈紛翱翔繡裳彰黼黻委珮逋琚璜丹醴

液泰尊潔粢維德香灌流秬鬯旨燔達衡挂芳中庭羅

廣侑雅奏諧夏英瞻昊四邠奠鈞天六變張佳色鵲卿

霑休氣鬱穹蒼旭升仰信對迤迤斯孔享委祉答成祀

欽定四庫全書

禮記集說

五

丕顯況皇章

頌赦 大賚也

郊祀畢上坐殿堂布赦於四方所以敷陽德

廣天貺以對天下之望也作大賚

黃雲擁赤縣朱宮貞瑤光聖皇揚天惠布赦坐明堂茂

辰湛汪澤育物以順鄉黼黻擣宸藻紫泥從天降解作

數元化在宥喜萬邦含逆失前禽刑厝釋拊揚黃暉鑒

日寯祥飈颺玄方肆肯存虞典祝網倖殷湯神州鬱佳

氣函夏欣乘陽幽崖無匿景槁壤有靈滂浸氛一以盪
休祐駢來穰駘蕩奉帝則極地頌時康

大宴 慶成也

初大宴舉於正月上巳定郊乃以是日行宴
饗焉皇恩流行神人歡望禮於此乎終矣作
慶成

卿日曜貝闕彤霞蔭琯階執琬來萬國祀成祀元禧設
樂羅廣殿肆筵臨華墀我客戾有容庶僚咸格茲蘭席

欽定四庫全書

遵嚴集
卷一

六

紛並坐鳴珮何委蛇俎折不虛歸杯行豈愬遲烝穀詠
既飽酌卮歌于胥金石遞間作笙簧翕中暉行雲赴迅
節麗舞從風飛下堂集象鞮樂闌竚宸晞鎬飲叶在藻
佳宴厭露斯式衍光有孚終宴敬令儀何以效微衷率
賦定爾詞

秋祀先師恭述二首

維馨敬歲事有恤恭明神豐功報宜重孔祀典尤敦明
明天子命宣哲協欽文咨惟百工長曰予克宅臣攝事

昭我將奏假具惟寅庶僚既濟濟多士亦振振肆佻表
殷薦大烹羞明裡格思儼無斁仰止儀自遵大哉聖人
德展為帝者賓

繁宿夕杓轉皓月璇穹明庭燎晰有輝灌芬鬱以升廣
壯嗽孔碩嘉盛登維馨清齊盈金彝和羹薦玉鉶皇皇
旄帔列鏘鏘磬筦鳴脩容羅萬舞雅奏宣九成展禮式
不謬於赫神具寧飄飄紛紛來宗對越儼相仍伊嘏錫玄
漢王國斯克生

欽定四庫全書

遵嚴集
卷一

七

良時嘉宴會 賦公讌也

良時嘉宴會乃在君子堂流雲承芝檻蘭幙徐風揚軒
蓋矚華景倬彼璫與璋賓筵秩有懼具饗臻時英中坐
交鳴珮微賤慚所將玉醺泛雲罍珍羞充員方薦盤不
餒歸康爵盈且翔馳光一何速曜靈忽西藏遺志屬蘭
畧瑤膏燦何長駢興瞻具美既醉穆令章顯允哲人德
樂只期之綱欽賢符姬旦式衍遵無荒福履永所綏百
歲垂芬芳

遵嚴集卷一

欽定四庫全書蒼要卷一萬七千五十九

集部

遵嚴集卷二

明 王慎中 撰

五言古詩

遊西山二首

良辰戾首夏肅軫遊西山山形何萃偉洲渚亘相綿奔
湍既下赴危峰亦上千谿鈇石洞竊迤邐飛梁懸朱葩
晞暘谷翠羽蔭陰密閤室象霞構踈蹙憑風騫抗宇凌
層基列檻俯流泉好鳥揚幽音弱蕋濯清漣豈惟耽遠

欽定四庫全書

遵嚴集
卷二

遊因茲達大觀拾乳厓窈窕擷芳陵嶺岿淅淅出硿淙
靄靄冒隴烟水碧間清藻靈颺茁瑤管履險神彌豁入
幽情更延隱巖懷子真蹈海期仲連遺形九州外栖迹
萬象顛崇深惟素秉神理迷真詮遊心迺冲漠斯道庶
不謬

鷗夷從左蠡康樂慕東甌履泯無續踪舟沉誰溯流至
人與物化曲工逐時謀疑冰晒夏蟲將隨汗漫遊蛇蟺
既沿澗崎嶇復經丘振袂陟危巘解纓濯澄洲石滑時

藉蘭巖寒或寥樛文芝榮華巔秀穎蔽平疇綠葉藂成
常漱泉屢如璆霏霏雲出岫浙浙颺扶輶旨酒盈瑤卮
臨風自獻驕身已塵象起心與灝氣游緬懷羽化客高
舉不可留精搖生乃勞慙淺道則修簪紱為鞿縲撫已
竟誰尤

登真覺寺浮圖

寶塔拔地躋蛟龍五拏攬層級凌虛空危磴盤屈曲上
之逼星緯下則俯原壑超升曠我懷頓慙知足弱赤日

欽定四庫全書

遵嚴集
卷二

二

耀珠光靈颺響金鐸身高萬象出眇眇二儀廓蒼然見
秦趙微茫辨渭洛風驅燕色來山川翠參錯飛鳥足下
度歸雲衣前落避喧得勝因了淨無真着福庭如可留
吾將從玄鶴

普光寺睡起

羣動各有營感觸不得息嗟哉尺蠖從煩蹇牽物役豈
謂塵中姿還寄雲外跡古剎絕浮氛法堂鮮來客首夏
澹新涼偃卧不知夕覺來盼高峯近遠各異色草搖席

下芳筠散尊中碧鳥語無俗音泉漱皆冽沚俯仰恆幽
賞去矣從所適

登金山口絕頂二首

崢嶸峙西隅其名金山口拱勢凌玉泉分宗自天壽捐
騎竭獨往宛轉携良友攀石足猶滑捫蘿藤在手回望
目轉眴前首步逾陡及其登層巔諸峯宛相就巖巖各
殊狀羅列若拱繡晶晶天宇濶俯之何所有入河湧我
前落日在吾右微微見樓閣脈脈分隴畝時惟仲冬交

欽定四庫全書

遵嚴集
卷二

三

衆壑已哀朽雖乏芬華敷彌增嶙峋關天風颺然下飄
颻吹衣袖丹霞翼素裾白雲生左肘遺形身已僂得意
豈在酒茲山非吾土石室何當構神靈忌窮討蒼茫立
難久

地紀控西界靈山亘北甸足弱步履慙崖峭石猶踐枝
樛乃能援葛腕不可挽當其意象開豈復慮絕蹇瞻峰
皆剝施陟礧數迴緬稍覺天地寬即看雲烟變石竇枝
白榮林罇雪尚注興濶無近尋登高有遠見周圻矗五